

清賢傳

高入遠去為曆至而功
之端非僅以山川之勝
鄉風化略可概見大
往矣而故園之隅瑣
于此也豈借材異地云



松江府志 (嘉慶) 一四

松江府志卷六十一

寓賢傳

高入逸彥游歷至斯斯地以人重然必有感召慕悅之端非僅以山川之勝遽戀忘歸也故寓公多賢則鄉風治化略可概見夫歌扇酒旗雲閒久臥者風流往矣而最閒之園瓊溪之社猶可想見當時之有樂乎此也豈借材異地云乎志寓賢

唐

陶峴晉處士潛孫開元末家崑山汎游江湖自製三舟與孟彥深孟雲卿焦遂共載吳越之士號爲水仙其詩曰

匡廬舊業是誰主吳越新居安此生白髮數莖歸未得
青山一望計還成雅翻風葉夕陽動鷺立蘆花秋水明
從此舍舟何所詣酒旗歌扇正相迎

尤袤全唐詩話

秦系字公緒會稽人隱泉州南安九日山又號東海釣客
其呈韋蘇州詩云久臥雲閒已息機青袍忽著狎鷗飛
詩興到來無一事郡中今有謝元暉

全唐詩話

朱放字長通襄州人隱於越之剡溪遭寇亂避地雲閒貞
元初召爲拾遺劉長卿贈以詩云詔書徵拜脫荷裳身
在東山閑草堂聞闔九門通禁籍葦亭一鶴在朝行滄
洲離別風煙遠青瑣幽深漏刻長今日卻回垂釣處海

鷗相見已高翔然放終不就也後仍歸剡溪

陳志

宋

梅堯臣字聖俞宛陵人工詩初廕主簿後賜進士出身累官尚書都官員外郎以叔詢知蘇州往來青龍鎮著有

青龍雜誌

青浦志

李行中字無悔雪川人徙居松江高尚不仕

龔明之中吳紀聞

按蘇集及雲間志但言無悔築室青龍江上東坡名之曰醉眠亭不詳何地人前志列入隱逸

米芾字元章襄陽人

宋史作吳人誤都穆寓意編已辨正

歷知雍邱縣漣水

軍無為軍書畫學博士擢禮部員外郎出知淮陽軍為

文奇險畫山水人物自名一家妙于翰墨得王獻之筆

意青龍鎮隆平寺經藏記云元豐五年春正月襄陽米

芾治事青龍賓老相過出此文愛而書之

本傳參雲間志

按芾治事青龍不載宋史本傳惟經藏記載雲間志其游歷之蹟為可據也因為補列

章棻字質夫子厚之弟其先浦城人有諱仔者仕閩為兵

官嘗出兵二將後期當斬夫人練氏救脫之後二將握

兵南唐破建州夫人猶在二將使人以金帛遺夫人且

授一白旗曰吾屠城夫人植旗于門吾戒士卒弗犯也

夫人悉返之曰幸思舊願全此城否則與俱斃耳二將

感其言遂止不屠君子知其後必大至得象遂相仁宗

子孫貴盛終宋世不絕棻其從子也官至知樞密院封

秦國公諡莊敏始仕試大理評事監華亭鹽樂其土風

因家于崧宅里青龍之有章氏自此始

顧志

按監華亭鹽宋史不載雲間志章望之思堂記可證至徙居青龍揭侯斯章夢賢墓誌云章氏系出浦城居上海青龍崧宅里者自宋秦國莊敏公棗始是海青龍崧宅里者自宋秦國莊敏公棗始是可據也莊敏作莊簡恐係宋史之誤

邨亶字正夫崑山人嘉祐二年進士熙寧三年上書言松

江水利乃授司農寺丞提舉興修水利其別業在青龍

鎮故有邨家橋今名邨店

青浦志

按邨亶係春秋鄭大夫邨張之後其後裔至明季復蒙張氏遷居青浦康熙三十九年進士常山知縣張德純其後也

李遂荊州人爲浙西漕司丞既罷官遭亂避居浦南竹岡

寓賢傳

昭祥伯春仲春皆其後

南淮志

何中立許州長社人紹聖進士知許陳二州累官樞密直
學士建炎初與從弟滄扈蹕南渡居黃浦南之余何潭
滄歷官朝奉大夫制置京西北路幹辦公事上都尉賜
紫金魚袋賦性勁直時以廉吏稱之愛青龍鎮風士遂

卜居焉

青浦志參何氏家譜攷正

王垂裕宿遷人太學生隨高宗南渡卜居青龍鎮紹興間
諫主和議削籍爲民孝宗立復上書擢爲錢塘教授嗣
爲正言時湯思退復主和議垂裕劾其姦邪黜爲縣丞
有惠政民爲立祠子大業慷慨尙義修建文廟出粟賑

飢大吏特疏旌獎

青浦志

王迪字八三汴人靖康進士正直自守通經學熟累朝典

故官太常寺丞扈蹕南渡嘗至雲間鶴沙愛其地僻風

淳遂棲隱焉

南滙志

俞韋齋汴人侍孝宗讀以詩文名好方外之學徧游名山

至雲間擇紫岡家焉其七世孫曰仲明號湛然子游心

好道父沒葬東海上結廬其旁事母尤謹

陳志

瞿榆維字安道汴人嘉定間監下沙場因卜居鶴沙子哲

孫君用曾孫霆發世官於朝為海上名族

南滙志

杜可久祁公後為青龍直學以文行訓諸生家于西霞浦

卒葬杜村 青浦志

吳潛字毅夫寧國人嘉定十年進士第一歷官至參知政

事拜右丞相以忤丁大全謫嶺外幼時侍其父讀書於

下沙場 南漕志

陸夢發字太初歙縣人寶祐四年進士官太府寺丞德祐

乙亥沒于上海著有烏衣集 宋詩紀事

吳惟信字中孚湖州人寓居白鶴村以詩名著有菊潭集

吳郡人糜鼻見惟信文亟稱之一日相遇叩所作惟信

誦一絕云白髮傷春又一年間將心事卜金錢梨花瘦

盡東風軟商略平生到杜鵑糜不覺下拜曰天才也 郭志

殷羣號古溪娶曹學諭女因居小蒸至今呼其地爲殷莊

官轉運司幹辦公事

郭志

高晞遠通州人咸淳德祐間通判平江府自城潰家散熒

然一身浮游江湖嘗館于衛參政涇家晞遠學問賅博

尤精邵子之學

郭志

邵桂子字德芳淳安人咸淳間以博學宏詞登進士第教

授處州宋亡不仕娶華亭曹澤之女因家小蒸爲斯文

領袖者四十年年八十二卒歸葬淳安著有雪舟脞談

稿又嘗作忍默恕退四卦以自警子祖義池州學錄能

詩工篆隸孫亨貞自有傳

顧志參青浦詩傳

陳宏莆田人宋末徙居華亭以儒業起家遂于易嘗著易象發揮易孟通言童子問

郭志

林景曦字德陽號霽山温之平陽人咸淳七年自太學釋褐授泉州教官歷禮部架閣轉從政郎元兵南下遂不復仕至元十五年楊璉真伽盡發宋諸陵時景曦故爲杭丐者背竹籬持竹夾遇物卽以夾投籬中又鑄小銀牌繫腰間賄西叅僧僧左右之果得高孝兩朝骨爲兩函貯之葬紹興之蘭渚山植冬青樹志之聞者莫不景仰稱霽山先生往來吳越廿餘年居雲間甚久有雲間懷古神山訪僧二陸故居澱湖黃耳冢諸作所著詩文

集十卷士林傳誦之

陳志

陳允平字衡仲又字君衡號西麓鄞縣人才高學博一時名公卿皆爲傾倒放情山水往來吳松寓青龍白鶴江間著有西麓詩稿石湖漁唱元初以人材徵至北都不受官放還世尤高之

青浦詩傳

元

葉李字亦愚贅居華亭宋少保夢得之後也李在宋以太學生上書詆賈似道似道怒嗾林德夫誣以金飾齋扁不法黥配漳州及放還遇似道于途贈以詞云余歸路君來路天理昭昭何不悟公田關子竟何如仔細思量

眞自誤雷州戶厓州戶人生合有相逢處客中邂逅欠
蒸羊聊贈一篇長短句元世祖平江南與王泰來同召
授以官凡軍國大事必與商略一日不在列問其故則
病足遂以所御五龍車召之至命坐而咨決焉累官至

中書左丞

郭志參本傳

趙孟頫字子昂吳興人宋太祖子秦王德芳之後仕元累
官至翰林學士承旨嘗往來松江南禪普照亭林及泖
上崇福寺最數梁棟皆其手題而寶雲寺碑及前後赤
壁賦尤爲郡中所重夫人爲泖西管氏名道昇小蒸人

至今其地尙稱管道云

郭志

任士林字叔實家奉化松林鄉人稱松鄉先生其先蜀綿竹人宋少師希夷之後也八世祖始居奉化再徙崎山士林六歲能文趙孟頫袁桷輩咸推其文謂今之柳河東云大德間攜家華亭與衛山齋謙善有訪山齋詩及興聖塔華藏院諸記至大初舉主安定書院明年卒葬松林鄉子耜由松江府史至兩浙鹽運照磨致仕子孫

遂家華亭

顧志

呂克勤字勉夫東萊人申國正獻公十二世孫性豪邁不羈學問該博能文章以醫名世游松江與邵桂子爲文

字交子紹聞孫文虎

顧志

秦知柔字元吉號節齋宋學士觀六世孫世居維揚咸淳
間遭兵亂知柔挾其綸誥譜牒圖象與其弟知剛知微
知立知彰同渡江知立居趙屯村知微居九團知柔居
滬濱知剛知彰復歸揚州元浙東宣慰使費察以知柔
通儒諳律薦擢江浙行省中書省倭使卒年七十四葬
淡井廟北子良顯良顯見列傳

秦氏家譜

柯九思字敬仲號丹邱生又號五雲閣吏仙居人以廕補
華亭尉不就遇文宗于潛邸及卽位擢爲典瑞院都事
直奎章閣特授鑒書博士罷官後流寓松江時往來吳
間九思善畫竹石得文同筆意嘗謂寫幹用篆法枝用

草法葉用八分或用魯公撤筆法木石用折釵股屋漏痕遺意至正乙巳暴疾卒于吳閶年五十四

郭志參本傳

楊瑀字元誠錢塘人性警敏博學長身紫髯如畫天歷間召見奎章閣命篆洪禧明仁二璽文稱旨署廣成局副使擢典簿中瑞司與密謀草詔黜姦臣伯顏超授奉議大夫太史院判尋同簽院事江南盜起改建德路總管得謝來松居鶴沙鎮追論平賊功陞浙東宣慰不赴遂老鶴沙初瑀在太史時上從容詢其鄉土對以西湖葛嶺之勝御書山居二字賜之因自號山居所著有山居新話卒返葬葛嶺云

顧志